

Javna ustanova Opća bolnica
„Prim.dr. Abdulah Nakaš“
S.S. Kranjčevića br. 12, Sarajevo
www.obs.ba

Na osnovu člana 27. Statuta, člana 20. a. Zakona o radu („Službene novine FBiH“, br 26/16, 89/18, 44/22 i 39/24), člana 3., 6. i 7. Uredbe o postupku prijema u radni odnos u javnom sektoru na teritoriji Kantona Sarajevo („Sl. novine KS“ br. 19/21, 10/22, 28/23 i 32/24), člana 8. Pravilnika o radu, unutrašnjoj organizaciji i sistematizaciji radnih mjesta JU Opća bolnica „Prim.dr. Abdulah Nakaš“ broj 260-142/22 od 16.09.2022.godine, Odluke o potrebi prijema broj 01-8426/25 od 04.06.2025.godine, direktor raspisuje

JAVNI OGLAS
za prijem u radni odnos na neodređeno vrijeme

- 1. Ljekar specijalista anesteziolog - 1 (jedan) izvršilac**
- 2. Ljekar specijalista /subspecijalista vaskularne hirurgije - 1 (jedan) izvršilac**

Opći uslovi:

- da je stariji od 18 godina
- da je državljanin BiH
- da je fizički i psihički sposoban za vršenje poslova navedenog radnog mjesta

Posebni uslovi:

- 1. Za radno mjesto ljekar specijalista anesteziolog – 1 (jedan) izvršilac, predviđeni su sljedeći uvjeti:**
 - VSS, Medicinski fakultet
 - položen specijalistički ispit iz anestezije i reanimacije ili položen specijalistički ispit iz anestezije i reanimacije/subspecijalistički ispit iz intenzivne medicine ili položen specijalistički ispit iz anestezije i reanimacije /supecijalistički ispit iz dječije anestezije
 - posjedovanje važeće Licence za samostalan rad
 - aktivno znanje jednog od stranih jezika

Opis poslova:

Opće kompetencije

- poznavati i primjenjivati principe medicinske etike i deontologije
- posjedovati profesionalnost, humanost i etičnost, uz obavezu očuvanja privatnosti i dostojanstva pacijenta
- poznavati vještinu ophođenja s pacijentima, kolegama i ostalim stručnjacima
- komunikacijske vještine - biti sposoban razumljivo i na prikladan način prenijeti relevantne informacije i objašnjenja pacijentu (usmeno i pisano), njegovoj porodici, kolegama i ostalim stručnjacima s ciljem zajedničkog učestvovanja u planiranju i provođenju zdravstvene zaštite
- kroz neprekidno učenje i samoprocjenu unaprijediti kompetencije i stavove neophodne za podizanje kvaliteta stručnog rada te usvojiti principe upravljanja svojom praksom i karijerom s ciljem profesionalnog razvoja
- posjedovati vještinu prenošenja znanja na mlađe kolege i druge radnike u zdravstvu

- učestvovati u naučno-istraživačkom radu poštujući etičke principe naučno-istraživačkog rada i kliničkih ispitivanja te učestvovati u pripremi radova za objavu
- poznavati važnost i način efikasnog vođenja detaljne dokumentacije te isto primjenjivati u svom radu u skladu s važećim propisima
- poznavati regulativu iz područja zdravstva, posebno iz područja zaštite prava pacijenata
- identificirati zdravstvene potrebe zajednice i u skladu s njima poduzimati odgovarajuće mjere usmjerene očuvanju i unapređenju zdravlja te prevenciji bolesti
- kontrola kvaliteta izvršavanja zadataka

Stručni poslovi

Obezbjeđivanje uslova za adekvatno odvijanje procesa rada: učestvovanje u obezbjeđivanju procesa rada u saradnji s šefom odjela.

Rad u anesteziološkoj ambulanti

- preoperativni anesteziološki pregled , preoperativna procjena rizika i pripreme pacijenata za operaciju.

Procjenjivanje pacijenata prema anesteziološkim scoring sistemima

Preoperativna premedikacija pacijenta

Rad u ambulanti za bol : procijeniti diferencijalnu dijagnozu i liječenje akutne boli u perioperacijskom toku, procijeniti diferencijalnu dijagnozu i liječenje hronične boli, poznavanje integriranog farmakološkog znanja iz oblasti terpije bola.

Rad u operacionoj Sali

- izvodi sve vrste anestezije opšte i lokoregionalne (intubacija, kontrola i održavanje vitalnih parametara, reanimacija vitalno ugroženih bolesnika

-kontrola materijala za izvođenje anestezije, preoperativna priprema bolesnika, provjera snabdijevanja medicinskim plinovima, provjera ispravnosti anesteziološkog aparata, provjera ispravnosti laringoskopa, aspiratora, endotrahealnih i orotrahealnih tubusa, lijekova za izvođenje anestezije, poznavanje principa sigurnosti rada u operacionoj sali.

-izvođenje regionalne anestezije

-perifernih blokova gornjih i donjih ekstremiteta, centralnih neuroaksijalnih blokova ,prepoznavanje i tretiranje komplikacija regionalne anestezije, poznavanje toksičnih efekata lokalnih anestetika, postoperativni nadzor bolesnika u op.sali do odlaska pacijenta na odjeljenje.

- čini dio reanimacionog tima,

po potrebi, na drugim odjeljenjima Bolnice :provodi i liječenje vitalno ugroženih unesrećenih/bolesnih,postavlja indikacije za oživljavanje, provodi postupke zbrinjavanja i stabilizacije pacijenta nakon oživljavanja

-poznavati preporuke Evropskog vijeća za reanimatologiju i primijeniti vještine standardnih postupaka oživljavanja odraslih, djece i novorođenčad -poznavati doze, indikacije, kontraindikacije i način primjene lijekova koji se koriste u oživljavanju odraslih i djece

-interpretirati EKG tokom oživljavanja odraslih i djece, posjeduje vještine uspostavljanja perifernog venskog puta ,posjedovati vještinu uspostave dišnog puta tokom oživljavanja odraslih, djece i novorođenčadi, izvođenja umjetnog disanja, vanjske masaže srca, korištenja defibrilatora, trijažiranja zu bolničkim uvjetima

Rad u int.njezi

- postoperativni nadzor bolesnika, liječenje vitalno ugroženih pacijenata, postoperativnih komplikacija, akutnih trovanja, pacijenata sa poremećenim stanjem svijesti, trauma, opekotina.

- praćenje razvoja bolesti, nadzor nad vitalnim parametrima, sprovođenje odgovarajućih dijagnostičkih procedura, oksigenoterapije, neinvazivne i invazivne mehaničke ventilacije,

farmakoterapije, terapije infuzijama , transfuzijama i krvnim preparatima, uvođenje enteralne i parenteralne prehrane

-postavljanje indikacija za laboratorijske, mikrobiološke, citološke analize, radiološke, ultrazvučne i konzilijske preglede drugih specijalnosti

-plasiranje centralnog venskog katetera i po potrebi perifernih venskih puteva

-rad kao konsultant na drugim bolničkim odjelima

Obavlja i druge poslove po nalogu predpostavljenog po potrebi i stepenu odgovornosti.

Napomena: Obavlja 5% radnog vremena na poslovima i raznim zadacima u kontroli kvaliteta u oblasti zdravstva.

Mjesto rada: Sarajevo, Kranjčevićeva br.12

Radno vrijeme: 37,5h

Osnovna plaća: 3.327,75/3.383,21/3.438,67 KM

2. Za radno mjesto ljekar specijalista/subspecijalista vaskularne hirurgije - 1 (jedan) izvršilac, predviđeni su sljedeći uvjeti:

- VSS, Medicinski fakultet
- položen specijalistički/subspecijalistički ispit iz vaskularne hirurgije
- posjedovanje važeće Licence za samostalan rad
- aktivno znanje jednog od stranih jezika

Opis poslova:

OPĆE KOMPETENCIJE

- poznavati i primjenjivati principe medicinske etike i deontologije

- posjedovati profesionalnost, humanost i etičnost, uz obavezu očuvanja privatnosti i dostojanstva pacijenta

- poznavati vještinu ophođenja s pacijentima, kolegama i ostalim stručnjacima

– komunikacijske vještine

- biti sposoban razumljivo i na prikladan način prenijeti relevantne informacije i objašnjenja pacijentu (usmeno i pisano), njegovoj porodici, kolegama i ostalim stručnjacima s ciljem zajedničkog učestvovanja u planiranju i provođenju zdravstvene zaštite

- kroz neprekidno učenje i samoprocjenu unaprijediti kompetencije i stavove neophodne za podizanje kvaliteta stručnog rada te usvojiti principe upravljanja svojom praksom i karijerom s ciljem profesionalnog razvoja

- posjedovati vještinu prenošenja znanja na mlađe kolege i druge radnike u zdravstvu

- učestvovati u naučno-istraživačkom radu poštujući etičke principe naučno-istraživačkog rada i kliničkih ispitivanja te učestvovati u pripremi radova za objavu

- poznavati važnost i način efikasnog vođenja detaljne dokumentacije te isto primjenjivati u svom radu u skladu s važećim propisima

- poznavati regulativu iz područja zdravstva, posebno iz područja zaštite prava pacijenata

- identificirati zdravstvene potrebe zajednice i u skladu s njima poduzimati odgovarajuće mjere usmjerene očuvanju i unapređenju zdravlja te prevenciji bolesti

Rad u hiruškoj ambulanti:

prvi pregled pacijenata sa akutnim i hroničnim bolestima , stanjima,i ozljedama u domenu vaskularne hirurgije.

Kontrolni pregledi operisanih pacijenata, planiranje preoperativne pripreme pacijenata, planiranje dijagnostičkih postupaka kod akutnih i hroničnih obiljenja vaskularnog sistema.

Hiruški tretman pacijenata koji se liječe ambulantno.

Vođene zakonom propisane medicinske dokumentacije.

Rad na odjeljenju:

Dijagnostika, liječenje i rehabilitacija pacijenata sa akutnim i hroničnim vaskularnim oboljenjima, postoperativni tretman i praćenje operisanih pacijenata, provođenje hiruških intervencija na odjeljenju, zbrinjavanja hiruških infekcija različitim hiruškim metodama, pravilna upotreba antimikrobne i druge farmakološke terapije, utvrđivanje smrti pacijenta i provođenje zakonskog postupka sa mrtvim tijelom i medicinskom dokumentacijom.

Vođenje medicinske dokumentacije koja je zakonski propisana.

Rad na drugim odjeljenjima.

Konzilijarni i konsultativni pregledi pacijenata na svim bolničkim odjelima.

Rad na urgentnom centru:

Zbrinjavanje, observacija, procjena pacijenata sa akutnim oboljenjima i povredama vaskularnog sistema, planiranje dijagnostičkih postupaka, tretman pacijenata sa ozljedama područja koje obuhvata vaskularna hirurgija.

Rad u operacionoj sali:

provođenje operativnih zahvata u domenu ortopedske hirurgije.

Unapređenje rada

- učestvovuje u predlaganju procedura iz svog domena rada na odjeljenju / odsjeku radi poboljšanja kvaliteta rada

- prati i izučava stručnu literaturu

- educiranje u sklopu stručnog usavršavanja medicinskih tehničara odjeljenja / odsjeka,

- izrada stručnih radova

- prisustvo stručnim skupovima

- rad u stručnim tijelima i udruženjima.

Obavlja i druge poslove po nalogu predpostavljenog po potrebi i stepenu odgovornosti.

Napomena: Obavlja 5% radnog vremena na poslovima i raznim zadacima u kontroli kvaliteta u oblasti zdravstva.

Mjesto rada: Sarajevo, Kranjčevićeva br.12

Radno vrijeme: 37,5h

Osnovna plaća: 3.327,75/3.383,21/3.438,67 KM

Potrebni dokumenti (originali ili ovjerene kopije):

Kandidati su obavezni uz **potpisanu Prijavu sa kratkom biografijom, adresom, kontakt telefonom i obavezno naznačenom e-mail adresom**, dostaviti tražene dokumente (u originalu ili ovjerenoj kopiji) o ispunjavanju općih i posebnih uvjeta, s tim da ovjerene kopije dokumenata nemaju ograničen rok važenja, pod uslovom da ni dokumenti čije su kopije ovjerene nemaju naznačen (preciziran) rok važenja.

Svi kandidati, koji su promijenili ime i/ili prezime, obavezni su dostaviti dokaz o istom, odnosno Izvod iz matične knjige rođenih ili vjenčanih.

Za pozicije pod rednim brojem 1. i 2.:

- univerzitetsku diplomu (nostrifikovanu/priznatu diplomu, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine), ukoliko kandidat iz određenih razloga ne posjeduje univerzitetsku diplomu, može dostaviti uvjerenje o diplomiranju, koje ne može biti starije od jedne godine dana od dana sticanja tražene stručne spreme;
- uvjerenje o položenom traženom specijalističkom/subspecijalističkom ispitu (Rješenje Federalnog ministarstva zdravstva o priznavanju specijalističkog ispita, ukoliko isti nije završen u BiH);
- dokaz o posjedovanju važeće Licence za samostalan rad od nadležne komore;
- dokaz o poznavanju jednog stranog jezika - kao dokaz o poznavanju jednog stranog jezika kandidati dostavljaju uvjerenje/certifikat/potvrdu škola ili drugih institucija koje se bave obučavanjem stranih jezika ili uvjerenje o prepisu ocjena izdato od visokoškolske ustanove (ocjene stranog jezika iz osnovne i/ili srednje škole se neće smatrati dokazom o poznavanju stranog jezika);
- izvod iz matične knjige rođenih, ne starije od 6 mjeseci od dana izdavanja od strane nadležnog organa, osim ako se radi o dokumentu koji je trajnog karaktera;
- Uvjerenje o državljanstvu, ne starije od 6 mjeseci od dana izdavanja od strane nadležnog organa.

Za poziciju pod rednim brojem 1. i 2. obavezan je probni rad u trajanju od 3 (tri) mjeseca.

Prilikom izbora kandidata prednost će imati kandidat koji ima prioritet u zapošljavanju, a što se dokazuje odgovarajućim dokumentom (potvrda, uvjerenje, rješenje i sl.) koji prilažu prilikom prijave na Javni oglas, u skladu sa Zakonom o dopunskim pravima boraca-branitelja („Službene novine Kantona Sarajevo“, broj: 31/22 i 8/24), Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine KS“ broj: 37/20 i 27/21) i Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine KS“ br. 38/20 i 28/21).

Kandidat ostvaruje pravo na prvenstvo u zapošljavanju ako se nalazi na evidenciji JU Službe za zapošljavanje KS ili su zaposlena sa nižom stručnom spremom od one koju posjeduju ili su zaposlena na određeno vrijeme.

Kandidati da bi ostvarili prioritet pri zapošljavanju trebaju da dostave:

- dokaz da su na evidenciji JU Službe za zapošljavanje KS - Uvjerenje biroa ne starije od datuma objavljivanja ovog Javnog oglasa) ili
- dokaz da su zaposleni sa nižom stručnom spremom od one koju posjeduju – Potvrda/Uvjerenje poslodavca sa obaveznom naznakom stepena sprema (zanimanja) s kojom je radnik zasnovao radni odnos kod poslodavca ne stariji od datuma objavljivanja ovog Javnog oglasa ili
- dokaz da su zaposleni na određeno vrijeme - Potvrda/Uvjerenje poslodavca kojim se dokazuje da je radni odnos zasnovan na određeno vrijeme ne starija od datuma objavljivanja ovog Javnog oglasa;
- dokumentaciju kojom se dokazuje status korisnika prava;
- prijavu prebivališta/boravišta u KS ne stariju od 3 (tri) mjeseca od dana izdavanja nadležnog organa.

Slijedi tabelarni prikaz dokumentacije kojom se dokazuje status korisnika prava:

Redni broj	Pripadnost branilačkoj kategoriji	Naziv dokaza - dokumenta	Organ koji ga izdaje
1.	Član porodice šehida/ poginulog, umrlog i nestalog branioca	- Uvjerenje o statusu djeteta šehida-poginulog, umrlog i nestalog branioca - Rješenje o priznatom pravu na porodičnu invalidninu za suprugu šehida - poginulog, umrlog i nestalog branioca i - Uvjerenje o učešću u Oružanim snagama za šehida- poginulog, umrlog i nestalog branioca	Općinska služba za boračko-invalidsku zaštitu Grupa za pitanja evidencija iz oblasti vojne obaveze prema mjestu prebivališta
2.	Ratni vojni invalid	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	Dobitnik ratnog priznanja i odlikovanja	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	Demobilizirani branioци	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	Dijete: a) ratnog vojnog invalida b) dobitnika ratnog priznanja i odlikovanja c) demobiliziranog branioca	Uvjerenje o statusu djeteta ratnog vojnog invalida Rješenje o priznatom pravu na: a) invalidninu, b) mjesečni novčani dodatak c) uvjerenje o učešću u Oružanim snagama	a) i b) Općinska služba za boračko- invalidsku zaštitu c) Grupa za pitanja evidencija iz oblasti vojne obaveze prema mjestu prebivališta
6.	Supruge ratnog vojnog invalida	Uvjerenje o statusu supruge ratnog vojnog invalida Rješenje o priznatom pravu na invalidninu	Općinska služba za boračko-invalidsku zaštitu

Način podnošenja prijave:

Prijave sa dokazima o ispunjavanju uvjeta dostavljaju se u zatvorenoj koverti na adresu: Javna ustanova Opća bolnica „Prim.dr. Abdulah Nakaš“ S.S. Kranjčevića br. 12, 71 000 Sarajevo, sa naznakom „**NE OTVARAJ-PRIJAVA NA JAVNI OGLAS za prijem u radni odnos za poziciju pod rednim brojem _____ - naziv radnog mjesta-**“. Prijave se dostavljaju lično na Protokol-soba 380, III sprat Upravne zgrade bolnice ili preporučenom pošiljkom.

Neblagovremene, neuredne ili nepotpune prijave neće se uzeti u razmatranje.

Uvjerenje o fizičkoj i psihičkoj sposobnosti za vršenje poslova navedenog radnog mjesta, izabrani kandidati su dužni dostaviti po konačnosti Odluke o prijemu u radni odnos.

Javni oglas je otvoren 10 dana od dana objavljivanja u dnevnim novinama „Dnevni list“ (Javni oglas objavljen dana 12.06.2025.godine i rok za prijem prijava na Javni oglas je do 22.06.2025.godine).

Komisija za provođenje Javnog oglasa će obavijestiti kandidate putem web stranice Bolnice (www.obs.ba) i putem pošte na adresu naznačenu u prijavi o terminu održavanja pismenog i usmenog dijela ispita.

Poslovnik o radu Komisije, kao i pitanja, lista propisa i literatura iz oblasti iz koje će se polagati usmeni i pismeni ispit nalaze se na web stranici Ustanove (www.obs.ba), sa koje svi zainteresovani kandidati mogu preuzeti ista.

Za dodatne informacije kontakt telefon je 033/285-108.

Dostavljena dokumentacija neće se vraćati kandidatima.